

ÅRSRAPPORT FOGN KYRKJE 2025



Ansvarskomiteen: Wenche Runestad, Eli Runestad, Magnar Sandanger, Terje Kjølvik, Merete Meling Kindingstad, Dag Olav Sæbøvåg og Heidi Bø Sangedal. Terje er leiar og Heidi er møtesekretær.

Komiteen har hatt 5 møter. Fogn kyrkje har hatt 16 gudstenester, inkludert to utegudstenester. Det var friluftsgudsteneste i Eidsvåg og på dagsturhytta. Det er eit gjennomsnitt på 69 personar i kvar gudsteneste. Dette er ein liten nedgong. I tillegg har det vore utegudsteneste på Byre, der kom 80 personar. I år var det biskop Anne Lise som var med. Det er stortsett våre eigne prestar som har hatt gudstenestene, bortsett frå utegudstenesta i Eidsvåg, då var Sigve Ims prest. Julafta var kateket Hanna Mathilde Ogim vikar. Me har har hatt ei gravferd, det har ikkje vore verken dåp eller vigsel.



På Byre deltok fam Mossige v/Arne, Kirsten, Henrik, Ingrid, Anna og Steinar med song, piano og blåseinstrument.

Ved behov for organistvikar grunna ferie eller dobbelbooking har Geir Eskeland, Arne Sigurd Mossige, Guri Eikeland og Jon Håkon Østhus vikariert.

Det har vore fleire kulturkveldar gjennom våren. Harry Breiland hadde ein forteljarkveld i januar – 60 personar kom. Pater Pollestad var på besøk i februar. Det var buss frå Ingvars reiser med og desse fekk først middag og etter arrangementet fekk alle kaffi og kake. Totalt 140 personar var til stades. I juni var mannskoret Frimenn på besøk med konsert. Der fekk og ein buss frå Ingvars reiser samt andre frammøtte middag og dessert i forkant av konserten, 150 var til stades. I april var ei gruppe frå Voss i kyrkjekjellaren med song og forteljing.



I april hadde me ein lovsongskveld med June Joanna Hovda. Daniel Heimstad talte.

I juni hadde me ein kulturkveld med fokus på Stavanger si misjonshistorie ved Torstein Jørgensen og med bildeutstilling laga av Kåre Holm.



Gjennom året har me hatt kveldsbøn i kyrkja ein søndagskveld i månaden.

I haust arrangerte me kulturkveld med Folke Torp og Sigurd Engesnes Tvilerens håp i lag med lokale aktørar som Dag Olav Sæbøvåg, Arne Sigurd Mossige og Eli Runestad. Til denne fekk me støtte frå Stavanger krk fellesråd.

Me hadde også i haust ein bøn – og lovsangskveld leia av Anne Marte Sandanger og tale ved Daniel Heimstad.

Basaren var i år 1. nov. Det kom inn om lag 28000,- Me kjøpte inn ein del gevinstar og fekk mange gevinstar frå lokale bedrifter. Det blei sendt kr 12030 til misjonsprosjektet. Det resterande beløpet er sett på eigen konto til bruk lokalt i kyrkja. Det blei då kjøpe inn eit nytt kjøleskap. Anne Marte Sandanger heldt andakt og TøfFOGNådig song.



Kyrkja var saman med andre lokale lag pådrivar for Vandremiddag som var i oktober. Her var mange med og fleire blir oppfordra til å vere med neste gong.

Me hadde ein open fotballtvkveld med kampen Fredrikstad – Viking, spanande kamp og god stemning blant dei frammøtte.

Me syng jula inn er blitt ein fin tradisjon på Fogn, kvelden samlar mange og me har mange dyktige songerar både barnekorguppe og solistar. Eit husband spelte til sangane. Det blei ein veldig flott kveld.



Ungdomslaget hadde ei samling i kyrkjekjellaren lille julafta. I samband med jul var det både julevandring med barnehagen og skulegudsteneste. Reidun Bråtveit som er kyrkjelydspedagog har hatt samling med dei yngste knytta til hausttakkefesten.



Stavanger krk fellesråd har i år gitt oss pengar til å oppgradere lydanlegget oppe i kyrkja. Lars Magne Grødem og Bjørn Runestad har vore pådriverar og rådgjeverar, samt installert det nye anlegget.

Me har ei liste med frivillige som vaskar i kjellaren ved behov. Ute hadde me ein dugnad på våren for å klargjere bed og gravplass. Me hadde og ein dugnad inne kor vindu blei vaska og kjøkkenet nedvaska.

Ansvarskomiteen har ein eigen avdeling i rekneskapet til Talgje sokn. Desse pengane brukes til investeringar lokalt til det me treng i kyrkja vår, mest i kyrkjekjellaren og ute. I år har me kjøpt inn eit nytt kjøleskap. Inntektskilder er basaren og torsdagscafeen, samt utleige av kyrkjekjellaren til merkedagar, minnestund og evt anna. Utgifter til kyrkjekaffi dekkes av Talgje sokneråd sin generelle konto. Me har fått driftsstøtte frå Stavanger kommune til barnearbeidet som me driv i kyrkja. Innsamla midler til kyrkjelyden nyttes elles til konfirmantarbeidet, dåpsmateriell og Bibel ved vigsel med meir. Når det gjeld straumutgifter og utgifter til vasking, lyspærer med meir er det dekket av Stavanger kyrkjelege fellesråd.

AKTIVITETER:

TøffFOGNådig: Leiarar: Kjersti Sandanger, Anne S Østhus og Dag Olav Sæbøvåg. Det er 5 – 10 ungar frå 1. – 7. klasse som deltek. Koret har hatt 13 øvingar. Dei har sunge på gudsteneste, basarkveld i kyrkja, basar på bedehuset og Me syng jula inn.



Hobby og tru: Leiarar har vore Jannike Jessen Vågane og Heidi Bø Sangedal i lag med foreldre. Me har bibelforteljing og bakeaktivitet. Me har hatt 13 samlingar og dette samlar mellom 11 – 23 barn frå 1. klasse og nedover. Me har 10 betalende medlemmer og vil søke kommunen om aktivitetsstøtte.



Kveldsmøter og anna: Lovsangsmøte v/ Daniel Heimstad og lovsong ved lokale krefter. Pater Pollestad og Børge Tjessem, Forteljarkveld x 2 Kulturkveld med misjonsfokus.

Kveldsbøn ein søndag i månaden.

Konsertar og songkveldar: Frimenn og songkveld med Folke Thorp og Sigurd Engesnes. Me syng jula inn ved lokal komité.

Torsdagscafé: Me har gjennom året hatt åpent i kyrkjekjellaren kl 11 – 14 så å seie kvar torsdag, totalt 46 gonger. Her er det kaffi og vafler. Det er ca 12 – 25 personar som er innom cafeen. Antalet varierer for kvar gong. Ola Aasland Vold var med på juleavslutninga i tillegg var det musikalske innslag ved Solveig Hovda og Malvin Sandanger. Kommunen var med oss ein gong for kartlegging av koss det er å bu på øyane. Diakonimedarbeidar Ingvild Angelskår Moen har vore med ein gong. Det er fleire frivillige som deler på å steike vafler og ha ansvar gjennom året. Ca kl 1215 har me ei felles samling kor me les ein andakt frå ei bok. Oppe i kyrkjerommet er det anledning til å tenne lys og ha ei stille stund for dei som ønsker dette.



Språkcafé: I år har det vore lågare oppmøte og me valgte i haust å ta ein pause. Det er gledeleg å registrere at det to kveldar i veka er språkopplæring på pakkeriet.

Sy med oss/ta vare på: Samarbeid mellom kyrkja, helselaget og husflidslaget. Folk kan komme å få hjelp til å sy om/reparere plagg eller lage noko nytt av gamle plagg. Dette oppfordrar til gjenbruk og redesign og er på denne måten eit miljøtiltak. Eli Runestad og Dagrun Bø er rettleiarar.

Konfirmantjubileum: Har ikkje hatt eige jubileum, 50 årskonfirmantar frå Fogn blei invitert til å vere med Hesbykonfirmantane.

Ringarlauget Fogn julekiming: Julafta kunne heile 15 nye personar seie seg som medlem og var med og ringte jule inn mellom kl 1700 – 1800

Frivillige:

I tillegg til leierar og dei som er nevnte over her har me og andre som bidreg med frivillig teneste.

Kyrjekekaffi: Me har 12 personar som står på ei liste for kyrjekekaffi. Folk set pris på kaffi og drøs.

Vaskedugnad: Det er 11 personar som vaskar kyrkjekjellaren på dugnad.

Tekstleserar: Me har ei liste på 7 stk som les teksten i gudstenesten. Dette gjere også barn og konfirmantar.

PR/markedsføring: Fogn kyrkje har eiga side på facebook kor me legg ut arrangement.

Pynting til gudstenester: Me har 3 frivillige som deler på å pynte alteret til gudstenestene.

Lyd og lys: Bjørn Runestad var lydmann på Byregudstenesten. Til Me syng jula inn var Lars Magne Grødem og Øyvind Sandanger lydansvarlege.

Friluftsgudsteneste på Byre: Ein lokal gjeng bestående av Arne Sigurd Mossige, Kari Velve Byre, Jon Olav Runestad, Ottar Sandanger, Irene Byre med fleire hadde hand om planlegging og tilrettelegging. I tillegg stiller fleire med kaker. Lokale aktørar har sagt at fem år med denne fine tradisjonen er nok for dei. Bjørn Runestad hadde lydansvar og det er veldig hjelp i det, biskop Anne Lise Ådnøy var med dette året.

Tusen takk til alle som gjere teneste i kyrkja. Takk til Talgje sokneråd for inspirasjon til teneste og aktiviteter i 2025. Takk til prestar og stab som bidrar til gode gudstenester som gir oss ny kraft og mot til vidare teneste. Takk til alle som kjem og saman er med å skape eit godt fellesskap i kyrkja.

Me ser fram til komande år og ønsker Guds velsigning over arbeidet vårt og folket på Fogn.